



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-161-8/24**

Datum: **08.11.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „TEHNIČKI REMONTNI ZAVOD“ d.d. Hadžići, za donošenje rješenja o vodnoj dozvoli za ispuštanje otpadnih voda sa lokacije kompleksa objekata namjenske industrije, namjene proizvodnja oružja, vojne i zaštitne opreme, izgrađenog u ulici 6. Marta bb Hadžići, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE o vodnoj dozvoli

1. Pravnom licu „TEHNIČKI REMONTNI ZAVOD“ d.d. Hadžići, daje se vodna dozvola za ispuštanje otpadnih voda sa lokacije kompleksa objekata namjenske industrije, namjene proizvodnja oružja, vojne i zaštitne opreme, izgrađenog u ulici 6. Marta bb Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu i priloženim dinamičkim planom ulaganja urađenim od strane ovog pravnog lica, pod sljedećim uslovima:
 - 3.1. Da pravno lice „TEHNIČKI REMONTNI ZAVOD“ d.d. Hadžići, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 30.06.2025. godine uradi dopuna projekta izvedenog stanja sa proračunom količina oborinskih voda na kolektoru „G“ sa rješenjem za tretman oborinskih otpadnih voda na navedenom kolektoru, sa lokacije kompleksa namjenske industrije, namjene proizvodnja oružja, vojne i zaštitne opreme, izgrađenog u ulici 6. Marta bb Hadžići.
 - 3.3. Investiciono-tehnička dokumentacija iz tačke 3.2. ovog rješenja treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH», broj: 31/15, 55/19, 41/20 i 63/22).
 - 3.4. Projektnom dokumentacijom predvidjeti okno prije ispuštanja prečišćenih otpadnih voda u definisani recipijent u kome će se vršiti monitoring prečišćenih voda.
 - 3.5. Da se do 30.06.2026. godine završe radovi prema projektnoj dokumentaciji iz tačke 3.2. ovog rješenja – prikupljanje otpadnih voda, prečišćavanje istih i ispuštanje prečišćenih voda.
 - 3.6. Pravno lice dužno je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz dinamičkog plana, prvi put najkasnije 31.12.2024. godine, a drugi put najkasnije do 30.06.2025. godine na obrascu iz priloga B Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda a prije ispuštanja u recipijent, zadovoljio granične vrijednosti u skladu članom 21. Uredbe o uslovima ispuštanja otpadnih voda u okoliš i sisteme javne kanalizacije.
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o

uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).

- 3.9. Ukoliko Vlada kantona propiše dodatne (strožije) uvjete od uvjeta definisanih Uredbe izmjenama i dopunama o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.12. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.13. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH”, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
4. U periodu važenja ove dozvole, korisnik predmetnog objekta, „TEHNIČKI REMONTNI ZAVOD” d.d. Hadžići, je dužan provoditi sve mjere i aktivnosti propisane istom.
5. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) sa rokom važenja do 30.06.2026. godine uz uslov da se aktivnosti obuhvaćene tačkom 3. dispozitiva rješenja u cjelosti poštuju.

10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „TEHNIČKI REMONTNI ZAVOD“ d.d. Hadžići, zahtjevom broj: 1-1-0235/24 od 26.03.2024 godine se obratilo ovoj Agenciji za donošenje rješenja o vodnoj dozvoli za ispuštanje otpadnih voda sa lokacije kompleksa namjenske industrije, namjene proizvodnja oružja, vojne i zaštitne opreme, izgrađenog u ulici 6. Marta bb Hadžići.

U provedenom postupku dostavljena je i pregledana sljedeća dokumentacija:

A. Opšta dokumentacija:

- Aktuelni izvod iz sudskog registra broj: 065-0-RegZ-24-001335 od 02.02.2024. godine, izdatog od strane Općinskog suda u Sarajevu - ovjerena kopija,
- Kopija uplatnice administrativne takse,
- Mišljenje o potrebi ishodovanja okolinske dozvole broj: 05-23-26997/11 III od 09.01.2012. godine izdat od strane Ministarstva prostornog uređenja i zaštite okoliša, Kanton Sarajevo-kopija,
- Izvještaj o monitoringu kvaliteta i kvantiteta otpadnih voda „TEHNIČKI REMONTNI ZAVOD“ d.d. Hadžići, broj 652/24 april 2024 godine, urađen od strane „Inspekt RGH“ d.o.o.Sarajevo,
- Potvrdu broj: 3025-II-08-1/24 od 27.06.2024 godine Javno komunalno preduzeće „KOMUNALAC“ d.o.o. Hadžići,
- Ponuda za izradu projekta izvedenog vodovodnih instalacija Tehničko Remontnog Zavoda broj: 1-3607/23 od 09.10.2023 godine,
- Ponuda za izradu projektne dokumentacije broj: 03-21-97-2/23 od 21.09.2023 godine od strane Zavoda za vodoprivredu d.d. Sarajevo,
- Ponuda za izradu projektne dokumentacije broj: 1-3606/23 od 09.10.2023 godine od strane Institut za hidrotehniku d.d. Sarajevo,
- Narudžbenica broj 149-23 prema ponudi od 19.08.2023 godine za izradu investiciono tehničke dokumentacije;
- Zaključak broj 07-06-21-17892-3/23 od 08.03.2024 godine izdat od strane Ministarstva privrede Kantona Sarajevo;
- Rješenje broj 07-04-25-13378/18 od 19.11.2018 godine izdato od strane Ministarstva privrede Kantona Sarajevo;
- Ovjeren Dinamički plan aktivnosti za rješavanje prikupljanja, tretmana i odvodnje otpadnih voda sa lokacije kompleksa namjenske industrije, namjene proizvodnja oružja, vojne i zaštitne opreme, izgrađenog u ulici 6. Marta bb Hadžići.
- Spisak objekata od 14.10.2024 godine koji se koriste za proizvodnju i obavljanje usluga u „TEHNIČKI REMONTNI ZAVOD“ d.d. Hadžići sačinjen od strane podnosioca zahtjeva,
- Potvrda broj: 5671-II-05-1/24 od 12.11.2024 godine izdata od strane JKP „Hadžići“ d.o.o. Hadžići.

B. Tehnička dokumentacija:

- Projekat izvedenog stanja hidro faze na prostoru TRZ Hadžići, urađen od strane „Institut za hidrotehniku“ d.d. Sarajevo, septembar 2024 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-161-2/24 od 28.05.2024. godine.

Uvidom u dostavljenu dokumentaciju, izvršenim uviđajem i priloženim dinamičkim planom na licu mjesta može se konstatovati sljedeće:

Pravno lice „TEHNIČKI REMONTNI ZAVOD“ d.d. Hadžići nije posjedovalo Rješenje o vodnoj dozvoli izdato od ove Agencije.

Lokacija predmetnog kompleksa namjenske industrije, namjene proizvodnja oružja, vojne i zaštitne opreme, nalazi se u ulici 6. Marta bb Hadžići.

Snabdijevanje vodom predmetnog poslovnog objekta se vrši iz gradskog vodovodnog sistema kojim upravlja JKP „Komunalac“ d.o.o. Hadžići.

Obzirom da se radi o velikom kompleksu za koji nije urađena projektna dokumentacija, prilikom uviđaja nije bilo moguće sa sigurnošću detaljno utvrditi aktivnosti u navedenim objektima. Navedeno će se definisati u projektnoj dokumentaciji urađenoj od strane ovlaštene firme a koju je podnosilac zahtjeva obavezan uraditi, sve u skladu sa tačkom 3. dispozitiva rješenja.

Pojedini objekti u krugu kompleksa su iznajmljeni drugim pravnim licima.

Podnosilac zahtjeva za predmetnu aktivnost se nije ranije obraćao ovoj Agenciji za izdavanje vodnog akta.

Osnovna djelatnost u predmetnom kompleksu je namjenska industrija odnosno remont i proizvodnja oružja, vojne i zaštitne opreme.

U proizvodnji je zastupljena drvena ambalaža za potrebe domaćeg i inostranog tržišta, proizvodnja zaštitne opreme, radnih uniformi, deminerske opreme, proizvodnja RPG-a, remont oklopnih vozila, remont drugih oružja i vozila.

Prilikom uviđaja nije bilo moguće utvrditi nastajanje otpadnih voda u procesima proizvodnje od pojedinih aktivnosti kao ni moguće uticaje na vode od pojedinih aktivnosti na predmetnoj lokaciji. Po izjavi podnosioca zahtjeva isto će biti definisano u projektnoj dokumentaciji kao i recipijent za ispuštanje otpadnih voda.

Našim aktom broj: UP-I/21-3-40-161-3/24 od 30.05.2024. godine od podnosioca zahtjeva je tražena dopuna podneska gdje je između ostale dokumentacije trebalo dostaviti projekat u kome će biti definisane nepoznate činjenice na terenu koje se odnose na prikupljanje, tretman i ispuštanje otpadnih voda.

Uz akt broj 1-1-0938/2024 od 27.09.2024. godine dostavljen je Projekat izvedenog stanja hidro faze na prostoru TRZ Hadžići, urađen od strane „Institut za hidrotehniku“ d.d. Sarajevo, septembar 2024. godine.

Uvidom u dostavljeni projekat i izvršenim uviđajem na terenu utvrđeno je da na predmetnoj lokaciji nije izgrađen uređaj za tretman otpadnih voda koje nastaju na predmetnoj lokaciji i nije definisan ispuštanje odnosno recipijent otpadnih voda.

Od podnosioca je zatraženo da se izjasni na koje objekte se odnosi zahtjev te je isto dostavio elektronskim putem.

Na lokaciji se nalaze sljedeći objekti koji se koriste za proizvodnju i obavljanje usluga u Tehničkom remontnom zavodu d.d. Hadžići:

- 1) Portirnica
- 2) Upravna zgrada
- 3) Kuhinja i restoran (priprema i služenje hrane za uposlenike)
- 4) Pogon Optika - prostor se ne koristi za bilo kakve proizvodne operacije
- 5) Pogon Kompozit:
 - a) Snajderaj (izrada zaštitne opreme za deminere, navlaka za oruđe, nema otpadnih voda)
 - b) Kompletirnica (kompletiranje oružja i remont, nema otpadnih voda)
 - c) CNC odjel (mašinska obrada metala - otpad u vidu špene, nema otpadnih voda)
 - d) Mala farbarija (ručno potapanje sitnih limenih pozicija u boju, bez raspršivanja boje u otpadne vode)
 - e) Automati (proizvodnja sitnih pozicija od metala, nema otpadnih voda)
- 6) Magacin ulja i maziva
koristi se kao magacin metala
- 7) Pogon Regeneracija
 - a) dvije prostorije za mašinsku obradu metala na strugu - otpad u vidu špene, nema otpadnih voda

- b) dvije prostorije u upotrebi: bušenje pozicija u jednoj, a montaža u drugoj, nema otpadnih voda
- 8) Pogon Kalionica-Bravarija-Kovačija
- a) sječenje lima mašinskim makazama, savijanje lima ekscentar presama, nema otpadnih voda
- b) alatnica – skladištenje i evidencija alata
- c) proizvodnja eksera-van upotrebe
- 9) Pogon -Mašinsko i artiljerija
- a) farbanje sanduka (farbanje se vrši ručno, sva prašina koja se stvori prilikom obavljanja radnje se kupi i odlaže tako da ne ulazi u otpadne vode)
- b) završna montaža i pakovanje, nema otpadnih voda
- c) kitovanje i nanošenje impregnacije, nema otpadnih voda
- Navedene aktivnosti pod 9) a,b i c su privremenog karaktera, objekat artiljerija je u fazi rekonstrukcije, čija bi namjena bila Remont vojnog naoružanja.
- 10) Pogon -Proizvodnja 1 (prostor Sobol Q):
- a) mašinska obrada drveta (hobljanje, rezanje i brušenje drvnih elemenata, nema otpadnih voda)
- b) montaža (sklapanje sanduka, proizvodnja paleta, nema otpadnih voda)
- 11) Servis sa praonicom
- a) praonica nije u upotrebi
- b) tehnički pregled izdat firmi: ASA Testing Centar d.o.o. - Hadžići
- c) servisiranje vozila, nema otpadnih voda
- 12) Pogon Streljačko - prostor se ne koristi za bilo kakve proizvodne operacije.

Na osnovu naprijed navedenog našim aktom broj: UP-I/21-3-40-161-6/24 od 24.10.2024 godine, u skladu sa članom 1. stav (1), (3), i (4) Uredbe o uslovima ispuštanja otpadnih voda u okoliš i sisteme javne kanalizacije traženo je od podnosioca zahtjeva da dostavi dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje tehnoloških otpadnih voda na obrascu iz Priloga A. ove uredbe, razrađen po godinama i mjesecima sa konačnim rokom realizacije najkasnije do roka 30.06.2026 godine.

Dana 18.11.2024 godine elektronskim putem je dostavljen akt broj: 01-01-1065/24 od 15.11.2024 godine sa prilogom dinamičkog plana na obrascu iz Priloga A. Uredbe. U dinamičkom planu su navedene aktivnosti i rokovi na izgradnji i puštanju u rad sistema za prikupljanje, tretman i ispuštanje otpadnih voda na lokaciji kompleksa „TEHNIČKI REMONTNI ZAVOD“ d.d. Hadžići, za 2025 i 2026 godinu. Aktivnosti i rokovi iz dinamičkog plana su propisani u dispozitivu ovog rješenja.

Uz zahtjev je dostavljen Izvještaj o monitoringu kvaliteta i kvantiteta otpadnih voda „TEHNIČKI REMONTNI ZAVOD“ d.d. Hadžići, broj 652/24 april 2024. godine, urađen od strane „Inspekt RGH“ d.o.o. Sarajevo u kome su prikazani rezultati dijela otpadnih voda koje nastaju na parkinzima i iste su priključene na gradsku kanalizaciju.

U aktu-Potvrda broj: 5671-II-05-1/24 od 12.11.2024 godine izdata od strane JKP „Komunalac“ d.o.o. Hadžići je navedeno da su sanitarno-fekalne vode priključene na javnu kanalizacionu mrežu a da oborinske otpadne vode je potrebno ispuštati u odgovarajući recipijent preko separatora masti i ulja i okna za monitoring.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji i dinamičkog plana, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „TEHNIČKI REMONTNI ZAVOD“ d.d. Hadžići, ispunio minimum uslova za izdavanje vodne dozvole za ispuštanje tehnoloških otpadnih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- „TEHNIČKI REMONTNI ZAVOD“ d.d. Hadžići, Ul. 6. Mart bb, Hadžići (Prilog-Tehnička dokumentacija navedena pod tačkom B obrazloženja Rješenja)
- ⊙ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo